

Քրիստոսի ի կոր կործանեցան, թե ընդէ՞ր իսկ բնաւ այնպիսի դառն եւ լի¹ թիւնաւ ծնեալ ի ևոցանէ ճառեցան իրքս: 2 «Մի՞ գուցէ, ասեն, աճեցեալ ի պակասամիտ եւ ի փառախնդիր անծինս թերահաւատ մարդոց, չարաչար ձգտեալ արմատս՝ կորնչիցին բազումք, վրիպեալք ի ճշմարիտ եւ յարդար հաւատոցն Քրիստոսի»:

3 Ժողովեցան այնուհետեւ ըստ հրամանի տանուտերացն² Հայոց սուրբ եպիսկոպոսք ըստ գաւառաց աշխարհին Հայոց, եւ պատուական երիցունք եւ վանականք, որք են այսոքիկ. եւ Յովսէփ³, որ թեպէտ եւ երեց էր ըստ ձեռնադրութեան՝ այլ զկաթողիկոսութեան Հայոց զաթոռն ունէր ի ժամանակին. տէր Անանիա՝ Սիւնեաց եպիսկոպոս, տէր Մուշէ՝ Արծրունեաց եպիսկոպոս, տէր Սահակ՝ Տարաւնոյ եպիսկոպոս, սուրբն Սահակ՝ Ըռշտունեաց եպիսկոպոս, տէր Մելիտէ՝ Մանձկերտոյ եպիսկոպոս, տէր Եզնիկ՝ Բագրեւանդեայ եպիսկոպոս, տէր Սուրմակ՝ Բզնունեաց եպիսկոպոս, տէր Թաթիկ՝ Բասենոյ եպիսկոպոս, տէր Երեմիա՝ Մարդաստանի եպիսկոպոս, տէր Գաղ՝ Վանանդեայ եպիսկոպոս, տէր Բասիլ՝ Մոկաց եպիսկոպոս, տէր Եղբայր՝ Անձեւացեաց եպիսկոպոս, տէր Տաճատ՝ Տայոց եպիսկոպոս, տէր Զատուն՝ Տարբերունոյ եպիսկոպոս, տէր Զաւէն⁴՝ Մանանաղոյ եպիսկոպոս, տէր Եղիշէ՝ Ամատունեաց եպիսկոպոս, տէր Երեմիա՝ Ապահունեաց եպիսկոպոս: 4 Այսոքիկ ամենեքեան եպիսկոպոսքս⁵. եւ ի պատուական երիցանց՝ սուրբն Ղեւոնդ, եւ Խորեն ի Մրենեայ⁶, եւ Դաւիթ, եւ այլ պատուական երիցունք, եւ աւագ վանականք բազումք, հանդերձ սքանչելի եւ հրեշտակակրան տերաւմն Աղանաւ, որ⁷ էր յազգէն Արծրունեաց: 5 եւ որք ի նախարարացն էին ժողովեալք՝ տէրն Սիւնեաց Վասակ, եւ տէրն Արծրունեաց Ներշապուհ⁸, Վրիմ Մաղիազ, տէրն Մամիկոնեից եւ սպարապետն Հայոց Վարդանն, տէրն Վահեւունեաց Գիւտ, տէրն Մոկաց Արտակ, տէրն Անձեւացեաց Շմաւոն, տէրն Ապահունեաց Մանէճ, տէրն Վանանդեայ Առաւան, տէրն Արշարունեաց⁹ Արշալիր, տէրն Ամատունեաց Վահան, տէրն Գնունեաց Ատոմ, տէրն Պալունեաց Վարազշապուհ, տէրն Աշոցայ¹⁰ Հրահատ, տէրն Դիմաք-

1 ԲԳտ. դառն լի

2 Ատ. տանուտերացն

3 ԲԳտ. ուղղագրում են սուրբն յովսէփ

4 Ձ. տէր զաւ

5 Ձ. այսոք ամենեքեան եպիսկոպոս. այսոք-ի վերելից աւելացրած՝ իկ

6 Ձ. եւ Խորեն մրենեայ

7 Ձ. տրն (վրան պատիւ) աղանա որ

8 Ձ. այստեղ եւ յետոյ՝ մերշապուհ

9 Ձ. տէրն արշակունեաց

10 Ձ. տէրն աշոտայ